

大宝积经优波离会 三十五佛名礼忏章

唐三藏法师菩提流志奉 诏译



南無本師釋迦牟尼佛

说明

本简体校正版《大宝积经优波离会三十五佛名礼忏章》电子书，根据《乾隆大藏经》大乘宝积部，第 0020 部，唐三藏法师菩提流志奉诏译《大宝积经》卷第九十原藏影印本校正。句读仅作参考。

本电子书是免费结缘品。特此说明。

仁慧草堂

二〇一九年三月



扫码关注仁慧草堂微信公众号

● 起诵仪

香赞

(一遍)

炉香乍爇. 法界蒙薰. 诸佛海会悉遥闻. 随处
结祥云. 诚意方殷. 诸佛现全身.

南無香云盖菩萨摩诃萨 (合掌三称)

净口业真言

(三遍)

唵. 修唎修唎. 摩诃修唎. 修修唎. 萨婆诃.

净三业真言

(三遍)

唵. 娑嚩. 娑嚩秫驮. 娑嚩达摩娑嚩. 娑嚩秫度憾.

安土地真言

(三遍)

南無三满哆. 母驮喃. 唵度噜度噜. 地尾. 娑婆诃.

普供养真言

(三遍)

唵. 誝誝曩. 三婆嚩. 鞞日啰斛.

南无本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

大宝积经优波离会 三十五佛名礼忏章

唐三藏法师菩提流志奉 诏译

舍利弗白佛言：“世尊！是诸菩萨于贪、瞋、痴不怖畏耶？”

佛言：“舍利弗，一切菩萨有二犯戒。何等为二？一者瞋相应犯，二者痴相应犯。如是二犯，名大破戒。舍利弗，因贪犯者，为过微细难可舍离。因瞋犯者，为过粗重易可舍离。因痴犯者，为过深重复难舍离。所以者何？贪结能为诸有种子，生死蔓蕤连持不绝，以是义故微细难断。因瞋犯者，堕于恶趣可速除断。因痴犯者，当堕八种大地狱中难可解脱。

“复次，舍利弗，若有菩萨犯波罗夷者，应对清净十比丘前，以质直心殷重忏悔。犯僧残者，对五净僧殷重忏悔。若为女人染心所触，及因相顾而生爱著，应对一二清净僧前殷重忏悔。舍利弗，若诸菩萨成就五无间罪，犯波罗夷、或犯僧残戒、犯塔、犯僧及犯余罪，菩萨应当于三十五

佛前，昼夜独处殷重忏悔。应自称云：

“‘我某甲，归依佛！归依法！归依僧！

“‘南無释迦牟尼佛 南無金刚不坏佛 南
無宝光佛 南無龙尊王佛 南無精进军佛 南
無精进喜佛 南無宝火佛 南無宝月光佛 南
無现无愚佛 南無宝月佛 南無无垢佛 南無
离垢佛 南無勇施佛 南無清净佛 南無清净
施佛 南無娑留那佛 南無水天佛 南無坚德
佛 南無栴檀功德佛 南無无量掬光佛 南無
光德佛 南無无忧德佛 南無那罗延佛 南無
功德华佛 南無莲华光游戏神通佛 南無财功
德佛 南無德念佛 南無善名称功德佛 南無
红炎帝幢王佛 南無善游步功德佛 南無斗战
胜佛 南無善游步佛 南無周匝庄严功德佛
南無宝华游步佛 南無宝莲华善住娑罗树王佛

“‘如是等一切世界诸佛世尊常住在世，是
诸世尊当慈念我。若我此生、若我前生，从无始
生死已来所作众罪，若自作、若教他作、见作随
喜；若塔、若僧、若四方僧物，若自取、若教他
取、见取随喜；五无间罪，若自作、若教他作、
见作随喜；十不善道，若自作、若教他作、见作
随喜；所作罪障，或有覆藏、或不覆藏，应堕地

狱、饿鬼、畜生、诸余恶趣、边地下贱及弥¹戾车；如是等处所作罪障，今皆忏悔。

“‘今诸佛世尊当证知我、当忆念我。我复于诸佛世尊前作如是言：若我此生、若于余生，曾行布施、或守净戒，乃至施与畜生一抔之食，或修净行所有善根，成就众生所有善根，修行菩提所有善根，及无上智所有善根，一切合集校计筹量，皆悉回向阿耨多罗三藐三菩提。如过去、未来、现在诸佛所作回向，我亦如是回向。

众罪皆忏悔 诸福尽随喜
及诸²佛功德 愿成无上智
去来现在佛 于众生最胜
无量功德海 我今归命礼

“如是，舍利弗，菩萨应当一心观此三十五佛而为上首，复应顶礼一切如来，应作如是清净忏悔。菩萨若能灭除此罪，尔时诸佛即现其身，为度一切诸众生故，示现如是种种之相，而于法界亦无所动，随诸众生种种乐欲，悉令圆满，皆得解脱。”

大宝积经优波离会三十五佛名礼忏章

¹ 大正藏：蔑；永樂北藏及龍藏：彌

² 大正藏：請；永樂北藏及龍藏：諸

● 结诵仪

补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

补阙圆满真言

(三遍)

唵. 呼嚧呼嚧. 社曳穆契. 莎诃.

普回向真言

(三遍)

唵. 娑麼啰. 娑麼啰. 弭麼曩. 萨嚩诃. 摩诃斫迦啰嚩吽.

南無佛 南無法 南無僧 (合掌三称)

南無本师释迦牟尼佛 (合掌三称)

南無观世音菩萨摩诃萨 (合掌三称)

南無护法诸天菩萨 (合掌三称)

礼佛发愿文

(一遍)

归命十方调御师 演扬清净微妙法
三乘四果解脱僧 愿赐慈悲哀摄受

但(某甲)自违真性，枉入迷流。随生死以飘沉，逐色声而贪染。十缠十使，积成有漏之因；六根六尘，妄作无边之罪。迷沦苦海，深溺邪途。著我耽人，举枉措直。累生业障，一切愆尤。仰三宝以慈悲，沥一心而忏悔。

所愿能仁拯拔，善友提携。出烦恼之深源，到菩提之彼岸。此世福基命位，各愿昌隆；来生智种灵苗，同希增秀。生逢中国，长遇明师。正信出家，童真入道。六根通利，三业纯和。不染世缘，常修梵行。执持禁戒，尘业不侵。严护威仪，蝇飞无损。不逢八难，不缺四缘。般若智以现前，菩提心而不退。修习正法，了悟大乘。开六度之行门，越三祇之劫海。建法幢于处处，破疑网于重重。降伏众魔，绍隆三宝。承事十方诸佛，无有疲劳。修学一切法门，悉皆通达。广作福慧，普利尘沙。得六种之神通，圆一生之佛果。然后不舍法界，遍入尘劳。等观音之慈心，行普

贤之愿海。他方此界，逐类随形。应现色身，演扬妙法。泥犁苦趣，饿鬼道中，或放大光明，或现诸神变，其有见我相，乃至闻我名，皆发菩提心，永出轮回苦。火镬冰河之地，变作香林；饮铜食铁之徒，化生净土。披毛戴角，负债含怨，尽罢辛酸，咸沾利乐。疾疫世而现为药草，救疗沉痾；饥馑时而化作稻粱，济诸贫馁。但有利益，无不兴崇。次期累世冤亲，现存眷属，出四生之汨没，舍万劫之爱缠。等与含生，齐成佛道。虚空有尽，我愿无穷。情与无情，同圆种智。

回向偈

(一遍)

愿以此功德 庄严佛净土
上报四重恩 下济三途苦
若有见闻者 悉发菩提心
尽此一报身 同生极乐国

三皈依

(一遍)

自皈依佛，当愿众生，体解大道，发无上心；
自皈依法，当愿众生，深入经藏，智慧如海；自
皈依僧，当愿众生，统理大众，一切无碍。和南
圣众。



此咒置经书中可灭误跨之罪

南无护法韦驮尊天菩萨

